

‘Un futuro periodístico comparti: Islanan Caribense & Hulanda den combersacion’

Na september tabatin e prome ‘Nederlands Journalistiek Festival’ (Festival di Periodismo Hulandes) na Deventer na ‘Huis voor de Journalistiek’ (Cas di Periodismo). Nos kier recapitula en particular nos prome sesion di: ‘Un futuro periodístico comparti: Islanan Caribense y Hulanda den combersacion’.

Nos a pone un ophetivo hopi halto pa nos mes: trece periodista di Islanan Caribense y di Hulanda hunto pa topa otro, siña di otro y yega asina na un bista mas profundo di e calidad di periodismo na e parti Caribense di Reino. Pasobra periodismo na e islanan ta bon y multifacetico, pero siguramente tin mester di sosten pa loke ta trata periodismo na un nivel mas profundo y periodismo investigativo.

Joëlle Terburg, director estatutario y Wensly Francisco, experto cu ta atende cu e areglonan di BJP, cu ambos a haci un bishita di trabou na comienso di 2025, tabata ansioso pa mira su resultado. Pasobra tabata un di e prome biahanan cu un combersacion asina lo a tuma luga. E necesidad a resulta di ta grandi: sala tabata completamente yen – cu periodista Caribense (ademas di cinco periodista orador, BJP a duna cinco periodista local e posibilidad pa participa) y di Hulanda.

Tabata un placer pa mira con durante lunch y na final – de echo durante henter e festival- hende tabata topa otro, intercambia dato personal cu otro, idea trabounan y hasta traha plan conhunto pa proyecto nobo. E kombersacionnan mas profundo durante grabacion di e programa di radio na Boneiro di Martijn Hisschemöller Op de Klippen (e biaha aki, como excepcion, for di Deventer), cu a tuma luga despues di e sesion, a añadi un gran balor na e evento.

E sesion durante e festival tabata un siguiente paso den direccion di e areglonan di BJP pa e seis Islanan Caribense den Reino, cu a cuminsa na prome instancia cu subsidio di alrededor di 20 periodista trahando riba proyecto grandi. Pasobra no ta pa proyecto pa investigacion independiente y publicacion so tin mester subsidio, sino tambe pa encuentro y momento pa ban topa y comparti cu otro. Nos ta haya cu esey a sosode na Deventer. Cu esaki, nos tambe a haya un bista nobo, cu nos lo incalcula en adelante.

Nos ta gradici e oradonan Sharina Henriquez, Derrick Walter, Dick Drayer, Melissa Stamper, Dimetri Whitfield y Martijn Hisschemöller un biaha mas pa comparti nan conocemento y experiencia cu nos. Un danki ta bai tambe na Deya Mensche pa a duna nos un bista di e investigacion cu e ta haciendo. Y finalmente, palabranan di danki ta bai pa Patricia Cronie, cu como moderador a sa di mantene un liña kora durante tratamento di un tema tan extenso manera esaki, y na e coleganan periodista di Fondo BJP cu a organisa e sesion y inclui presencia di Fondo dBJP di forma tan diligente y agradabel.

Habri e [link](#) akibou pa scucha transmision di ‘De nacht van het Caribisch Netwerk’ (Nochi di Ret Caribense) caminda Joëlle Terburg y Wensly Francisco ta invitado di Guillian Payne y nan ta papia di (sosten independiente) pa periodismo riba e islanan, un programa graba e anochi prome cu e sesion a tuma luga.